

Alkitab Anggen Anak Alit

Ida Hyang Yesus
Mapica Ajengan Buat
5000 Diri



Kasurat olih: Edward Hughes

Kaperagayang olih: Janie Forest
Alastair Paterson

Ka tempa saking: Ruth Klassen

Ka dwi aksarayang olih: Ni Luh Mastri Ayu Caerina;
Pdt I Gusti Made Alit Purya

Kakaryanin olih: Bible for Children
www.M1914.org

©2023 Bible for Children, Inc.

Perarem: Ida dane dados nerjemahang utawi nyalin carita puniki,
nanging nenten dados ke adol.



Pare pemimpin agama (ane kesambatang wong Farisi) ngeraos mobab ngeniyang indik Ida Hyang Yesus. Makudang-kudang anak edot pesan lakar nyedeyang Ida Hyang Yesus.



Ia tusing percaya yening Ida Hyang Yesus seken-seken dadi Putran
Ida Sang Hyang Widi. Ia tusing nyak nampi Ida Hyang Yesus
yadiastu Ida Sang Hyang
Yesus sube liu pesan



ngelaksanayang
mujisat, ane dadi
bukti Ida
seken-seken
dadi Putran Widi.



Ring dine anu, Ida Hyang Yesus megat danu Galilea. Miriban Ida Hyang Yesus perlu waktu buat Ida merarian sesubane Ida kegrenyeng ajak anak liu, ane setate ngetut Ida. Sakewala anak liu

ento di enggal ketemu ring Ida. Ia nawang sujatine Ida Hyang Yesus liu pesan ngadakang mujisat-mujisat ane tawah-tawah.


Makejang anake dot setate ngiringang Ida.




Ida Hyang Yesus mimpin para sisiaan Idane menek ke muncuk bukite, lantas ditu Ida Hyang Yesus ngemang pepelajahan tekenin anak liu ento. Jeg terus ngeliunan dogen anak ane teke ring Ida. Ane jani sube peteng, masane anak medaar. Sinah sube makejang sube merase seduk, mekite medaar.



Ida Hyang Yesus nyingakin anak liu totonan. “Dije jani irage lakar meli roti, apange anake liu ene nyidang medaar?” Ida metaken ring dane Filipus. Di ilehan tongose ento tusing ade anak medagang. Ape mirib ane lakar kelaksanayang olih Ida Hyang Yesus?




“Sinah sube merluang liu pesan pipis anggo meli dedaaran apange makajang anak ane ade ditu maan medaar,” pesaur dane Filipus. Ida Hyang Yesus lan pare sisian Idane tusing je ngelah pipis ane cukup.




Sisian Idane ane lenan, Andreas
(nyaman dane Simon Petrus)
matur ring Ida, baos danene,
Iriki wenten anak alit ane
meduwe roti jelai lelime lan be
dadue ...”



“... sakewale apeke artine dedaarane ento yening kebandingan ajak ane liu totonan?” Dane Andreas tusing bise ngresep, kenken carane apange dedaaran ane edik ento bise cukup tur makejang anak ane ade ditu maan medaar – yadian buke keto anak alit ane ngaba dedaaran ento dot pesan nyerahang dedaarane ring Ida Hyang Yesus.



Pangandikan Ida Hyang Yesus, “Orahin je anak liu ento negak.”
Lantas, makejang anak ane ade ditu negak, sawatara liune limang
tali diri. Wow! limang tali diri! Tonden termasuk anak luh, keto
masi anak-anak cerik.




Raris Ida Hyang Yesus ngambil roti, keto masi be ne ento. Anak muani ane cerik ento sinah sube precaya ring Ida Hyang Yesus. Ia tusing je nawang, ngudiang dadi Ida Hyang Yesus merluang dedaaran ane abane ento, tur ape ane lakar kelaksanayang olih Ida Hyang Yesus tekenin dedaarane ento. Mirip ia ngelah keneh buke kene, “Yen tiang nyerahang dedaarane ene, ape ane lakar daar tiang, tiang tusing lakar nyidang medaar.” Sakewala ia jeg tetep nyerahang dedaarane ring



Ida Hyang
Yesus.




Raris Ida Hyang Yesus
ngestawa. Ida ngaturang
puji suksma ring Ajin
Idane. Buat roti jelai ane
lelime ento lan be ne ane
dadue? Yeaah! Ida Hang
Yesus “Matur Panyuksma”
ring Ida Sang Hyang Widi
lan mapinunas mangdane
Ida ledang ngemertanin
ajeng-ajengane ento.



Sesubane Ida ngestawa, Ida Hyang Yesus nyerahang rotine ento ring para sisian Idane apange kedum-duman tekenin anake liu ento. Nah ditu lantasanake liu ento nyaksiang mujisat sane kelaksanayang olih Ida Hyang Yesus. Nah ane jani sube sinah pesan, roti lan be ne ane bedik ento ade gunane.



seubane makejang pada maan medaar, liu masi enu ade roti lan be ane mesise. “Punduhang sisan rotine, keto masi be ne apange tusing ade ane mekutang”. Pangandikan Ida Hyang Yesus ring para sisan Idane. Lantas sisan Ida Hyang Yesus munduhang sisan roti lan be ne ento sawatara ade roras keranjang lebih liune.



Ring dinane ento, Ida Hyang Yesus sampun mapica ajengan tekenin limang tali diri, uli dedarane anak cerik. Di dine ane lenan. Ida Hyang Yesus ngicen dedaran tekenin petang tali diri uli pitung roti lan be abedik. Sesubane anake ento makejang sube biasa nyaksiang tanda-tanda mujisat ento, ia tusing buin medihin Ida Hyang Yesus care ane kelaksanayang wong Farisine. Malah ipun ngeraos buke kene, “Ida puniki dados nabi ane sujati sane rauh kejagate.”



Ida Hyang Yesus Mapica Ajengan Buat 5000 Diri

Wenten katuturan carita saking pengandika Ida sang Hyang
widi mewasta Alkitab,

dados sobyahang ring

Yohanes 6

“Pemargin saking pengandika Ida Ngicenin Karahayuan.”

Mazmur 119:130



Puput



Carita ring Alkitab puniki nyaritayang indik Ida Hyang Widhi mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk papa. Papongoran antuk jadmā sane melaksana papa inggih punika lepas utawi padem, sakewanten Ida Hyang Whidi dahat sutresna. Ida raris ngutus okan Idane sane meraga tunggal, sane mapesengan Ida Hyang Yesus Kristus, mangda Ida lepas ring taru Salib tur kapongor sangkaning kaiwangan iragane. Ida Hyang Yesus urip malih tur mantuk ka Suarga loka! Yening ragane pracaya indik Ida Hyang Yesus tur mapinunas mangda Ida ngicenin pangampura antuk keiwangan-kaiwangan iragane, Ida jagi nglaksanayang! Ida jagi rauh tur meneng ring sejeroning pareragan ragane sane mangkin, tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi: Ida Hyang Yesus, tityang pracaya pareragan Idane sawiakti Ida Hyang Parama Kawi, nanging Ida nyeneng dados manusa sane lepas santukan nebasin kaiwangan iragane, tur sane mangkin Ida pacang urip malih. Dumogi Ida rauh ring kauripan iragane lan ngicen pangampura antuk keiwangan iraga makesami, sane ngawinang irage madue keuripan sane anyar tur buin pidan irage pacang meraga siki sareng Ida. Wantu tityang satinut sareng titah Idane tur idup daos pianak Ida, Amin.

Ngiring ngewacen Alkitab tur mapitatur sareng Ida Hyang Widhi ngerahina! Yohanes 3:16

